

Jud

¹ Nai Jud, Jesus Kristus inanen urat pinein, nai Jems tein.

An ensauta a Anut igian an, Bai Anut an ninemi wo imat mok go, Jesus Kristus in sen an kagin ipanan dan, ninemi wo nai girek en an sam na niganeg ipalu da. ² Anut inanen ilo mujanek, ilo maror agod tamolpein aenta ninedi wo amat san an lo awan isap yen a.

Tamol a Anut san kagin ta diri dupani na dan sad pitinnek

³ Nai turag muroug, patu pasek e an man da sisem tabig tumado den san fun ngire wo nai yaes isofutanag da. Gug nai ilog isoug gamu ru senamo ngire wo da. Ilo rumok e id gun adi tabi den, Anut in sen saen kisaek o lian id banid lo igane yan man id ta tibileksa na wa. Fun amaiak ninen o, idsad ilo rumok abalgirani san ninen wagai agane wo ru kagin nupanan da. ⁴ Man dugo, tamol aenta mianuk lo mi an Kris adi lulum lo disadu ya. Tamol amaiak Anut wagam mok, inanen girek lo, daon panek dijane san o ipilianai a. In Anut san kagin ta diri dupani na dan, Anut san ilo mujanek dibilisag mel naon senamo geig ilasa ya. Inanen ilo mujanek ipanad dan san fun man, tinid san ilo masa mi ka turi tupani wak ago dubol da. Ak ninen o in jeit kagin digane dan Anut uyan ipidinai ak ago dubol da. Agod Jesus Kristus, Tubun en in sen Kin an in dumoi da.

⁵ Anj mel en alonj fufei la ya, Anut wagam Isrel injal go Igipta dubiseig diau a. Ago bo man murnag tamolpein sauta a ilod lo ta rumok na yan Anut ipitiñinai a. Ansem alonj la yak gug, kulob naok an anj fon mi ilom isafulale san njabol da. ⁶ Gubak mi enjel sauta, injaned urat malan te yan lo dumado san dumoi a. Anut urat an ipidinai a, ago gug digane san dumoi go aben an dubisei tag, Anut sein nam isubanaig nal fidian tidom tubun lo ago dumado wo ibol a. Ante dumado dop yaup nal tubun ak san saen ilasa dop Anut bitinaek lo idirai a. ⁷ Nek ibol Sodom inj Gumora da, agod taun a panu uraru giraned na yan sad tamolpein, enjel adi a jeit kagin digane na yak ago mi inj dam ago digane ya. Pein inj tamol da sad ilo masa san kagin an dibiseig, tamol inj tamol da sad ilo masa san kagin diri se yan lo aupasek an dam digane ya. Amaiak niñen o Anut aupasek an naon yai pempem yen yau san lo imiriaig inanai pasik a, an man mitilaen ru kagin ipanad san igo ya.

⁸ Dal naok an lo mi, tamol an dienamin dop lo sed irawaip tinid dukubuli da, gurman a Anut ipilianai an niñedi wo dumoi da, agod enjel girager amad da yan patud fo uf digane da. ⁹ Ak gug saen enjel gurman Maikel inj Satan da nug dupei, enti Moses san sisanun injane wa, inj se pitianoi kagin lo sen yabisa o irer an lo injen ilon nam misilanek ru lo ta yabi idu na ya, tia, inj igo ibol, “Tubun en injen imisilano wa, njai man tia ya.” ¹⁰ Gug tamol an mel dugo ta dulonj na yan dumisilani da. Agod tinid san melmel a, ibol mel kasik ilod tia yak igo, injaned ilod iduduwai dop lo dulonj dak igo, tamol nek an dal kisaek an mi lo dulonj dugo digane da.

Gug melmel nek a duloŋ amaiak daoŋ ipidinaip ipitiŋina i a. ¹¹ In kagin digane wa! Man dugo, in man Kein san nien aban duri da, moni diŋane san man Balaam san aupasek lo diladu ya, agod nek ibol Kora wagam Anut awan lo ipirgini tag daoŋ tubun ak ipani a, nek ago mi tamol an dam daoŋ naon kisaek an mi diŋane wa. ¹² Ansam ilo panek san soubul lo in man ibol lad luon kasik ak igo ya. Kabelan an fo Kris tamolpein diŋaoŋ dop disida banau. Anut ilo sou an ta digane na dop sed ifutuwai da. In nek ibol tim ifurep, timtaen isini yau dak igo woŋ a, gug ui ta isi na da. In ibol ai igo ya, nuŋodi ifu san saen lo nuŋon ta ifu na dak igo ya, ai an dam dubulani a, fun an niŋen o in saen uraru imat a. ¹³ In ibol beig bururuk anda yak igo ya, inŋinated kagin san miai an ibol beig ibalsunig sabalbal an ilasag kuai isi ak igo ya. Go in man ibol patui keit lo gidigheid dutor dak igo mi a. Tidom tubun aben a lo na pempem dumado san an Anut ikubune pidina i la ya.

¹⁴ Enok, in Adam san dar lo ipalug bagen seven lo ilasa ya, in tamol saiadi an niŋedi wo profet ru igo ibol, “Ale. Anut inanen eŋel gun ak tausen wei geig dida dupalu wa. ¹⁵ Amaiak lo, in tamolpein fidian ru lo idiraip inaned naon ipidina i a. In tamolpein fidian a Anut san kagin ta duri dupani na dan, kagin an lo kulob saiak saiak digane na yan niŋen boum ipidina i a. Agod aupasek adi a Anut san kagin ta duri dupani na dan, in mi lo misilane k ru fidian dusue se yan lo, in dam naon boum ipidina i a.” ¹⁶ Tamolpein an ŋurŋur tinadi a, in melmel fidian ilasa dan uyan ta dupani na

da. Inṣad ilodi fidian man nek dal saian an mi duri wo digane da. Inṣ sed ipitianai dan lo awad tubun mi diṣiṣeṣ da. Agod aenta inṣad dal an duri wo ilo ṣilaṣal ru dubol da.

Anṣ ilo rumok abi sakar a

¹⁷ Ak gug ṣai turag muroug, ru imug Jesus Kristus inṣanen aposel adi dubol ilasa yan ilom isou wa. ¹⁸ Inṣ ago dubol dugo alonṣ a, “Saen wadan lo dop, tamol dilasap kukok amam digane wa. Tamol naok an inṣad ilo masai Anut san kagin ta iri pani na da. Inṣinated ilo masai an mi duri da.” ¹⁹ Tamolpein nek amaiak inṣ Kris midaeṣ biatitek lo didirai da. Inṣ tan en san tamolpein sad kankan mi duri dupani da. An lo Awan Urgan inṣ ilod lo tia ya.

²⁰ Ak man ṣai turag muroug, saen fidian anṣanem ilom bubem dabai pe, anṣanem ilo rumok gun geig an abi sakar. Agod saen fidian anṣ Awan Urgan san dabai lo agudani wa. ²¹ Anṣ sem ititianaṣ o uyanan dop Anut san ilo panek ilon lo amado wa. Anṣ ago agane dop mala nouk amadop, idsad Tubun ak Jesus Kristus inṣanen ilo muṣanek iganep kuai te ilasap, an lo inṣiliad pe kumaen pempem yen san lo tau a. ²² Ensauta a idsad ilo rumok niṣen ilod weiwei dan ilom imuṣanai a. ²³ Tamolpein aenta yai lo dumado dan, abinawai dop anṣal saltik onṣ a. Aenta inṣaned ilo masa lo ilodi nun anda yan, ilom imuṣanai dop abinawai a. Gug niṣedi wo arer dop, sem kagin ipanaṣ o uyanan a, kabelan inṣad dal an lo au banau.

²⁴ Anut anṣ ititianaṣ siṣaokan dop, au adu san tia ya. Inṣ ka anṣ inṣiliaṣ pe aup youm isa dop, muruan

tiap inŕsen naon na girager an lo atur a. ²⁵ Anut kisaek en mi patud ipasi san, Jesus Kristus idsad Tubun ak lo yaŕan tabisa wa. Inŕ Kiŕ girager aman da, imug imado ya. Agod dabai tubun ak aman da ya. Inŕ melmel fidian sad gurman imado da. Inŕ gubak mi imado ipalug, gamu dam mi imado da. Saen murna dop, ago mi imado yau a. Rumok.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 22 Feb 2024 from source files dated 31 Aug 2023

757b3e4e-2023-5b45-893a-ee9294ddeb9d